

Къурванов Къурван



Эшкьилул хъару

Махачкала 2022



Кьурванов Кьурван

Эшкылул хъару

**Махачкала
2022**

УДК 821.351.21
ББК 83.3(2 Рос=Лак)

К93

Кьурван Кьурванов

К93 «Эшкьилул хъару» («Крылья любви»).

**Сборник стихов на лакском языке. – М.: Изда-
тельство «Перо», 2024. – 84 с.**

ISBN 978-5-00244-844-9

Ва хъун бакъасса шеърирдал лу хъанай бур автор-
нал, Дагъусттаннай увсса, Читтуратусса ва ххюцлалла ши-
най Аьрасатнал цайми кланттурдай оьрму бувтусса
Кьурван Кьурвановлуд итабакълакьисса ххюйлчинмур луну.

Миннуву бур мунал хъхьичлва итабавкъусса клива
шеърирдал лугу, мивура дирхъусса, миннуцлун даркъусса,
цала ляхъан дурсса макъаннал нотардугу.

Ва шаэрнал, цайнува цува хъусса композиторнал
хъанай бур Дагъусттаннай лакку мазрай итабакълакьисса
цалчинмур луну.

Авторнал умуд бур вай цала чивчусса балайрду аьр-
кин хъунссар, къамул банссар тлий ишла буллан творче-
ствалуха, музыкалуха зузисса коллективирдан ва цивипалу
тяхъашиврун балай учайсса балайчитуран.

УДК 821.351.21

ББК 83.3(2 Рос=Лак)

ISBN 978-5-00244-844-9

© Кьурванов К., 2024

АВТОРНАЯССА БУСАВУ

Къурванов Къурван Х1усайннул арс увну ур 1948-кусса шинал Дагъусттаннай, Лакрал райондалувун духлахисса Читтурдал шяраву, фашист Германнащалсса дятвилул ветераннал, финансист ва художник Къурванов Х1усайннул ва мунал кулпат Къурбанова Шуаьнатул, школданул учительницану ва халкъуннал чулухату «Ц1усса ххуллу» т1исса районналул кказитрай зузисса кулпатраву.

Махъсса мукъц1аллий ххюра шинал мутталий Къурван ялапар хъанай ур баргълагавал чулухмур Ссивирнаву.

Миннуватугу махъсса зувира шинал мутталий – Ханты-Мансийск т1исса шагърулий.

Ва ур лараймур к1улшиву ларсъсса финансист, экономист, политолог.

1971-кусса шинал Новосибирскаллар дахху-ласулул кооперативный институт къуртал бувну махъ зий ивк1ун ур Дарбант-

ливсса къатри дайсса комбинатрай ва Буйнакский къатри дайсса «Буйнакс-промстрой» тлісса трестрай планово-экономический отделданул хъунаману.

Яла мунайн оьвкуну бур зун Госпландалийн Дагъустаннал Министртурал Советрайсса къатри даврил ялув бавцлусса секторданул хъунама экономистну.

Муния махъ, 1976-ку шиная 1978-ку шинайн ияннин, комсомолнал путёвкалий лавгун Оренбургуллал областрайсса Ясный тлісса шагърулий комсомол стройкалий зий ивклун ур стройкардал хъунаманал хъиривчуну.

1978-ку шиная 1982-ку шинайн ияннин зий ивклун ур Томскаллал областрай Васюганнал навт буккан хладуршиву дуллалисса стройкарттал участкалул хъунаману, яла миккусса «Томскнефтестрой» тлісса трестрал коммунистурал организациялул секретарну, муния махъгу Стрежевой тлісса шагърулул исполкомрал жилищно-комму-

нальный отдел данул хъунаману.

1982-ку шиная 1991-ку шинайн иянинний ивкун ур Тюменнал областарйсса Ханты-Мансийскалий ва Ямало-Ненецкий тлйсса автономный округирттай: Строительно-монтажный управлениялул хъунаманал хъиривчуну, «Юганскнефтестрой» тлйсса трестрал управляющийнал хъиривчуну, «Заполярьегазгеология» ва «Хантымансийскнефтегазгеология» тлйсса объединениярттаву генеральный директортурал хъиривчуну, Ханты-Мансийскалал округрал исполкомрал къатрал ва коммунальный хозяйстволул управлениялул хъунаману, Ханты-Мансийскалал округрал КПСС-рал хъунмур комитетрал инструкторну.

Журналист, общественный корреспондент хлйсавай ванал чирчусса цлузаманнун хасъсса, жула члумул дард-хажалатирттая аьчухну бусласисса аьнтсса макъалартту рирщуну дур «Труд» тлйсса кказитрай ва цала областарйсса прессалий. Мукунсса макъа-

ларттал ккал ттуршуннийн дирну дур.

Ва ур Аьрасатнал Журналистурал союзрал член, шаэр, цайнува цува хьусса композитор.

Ванал мукъурттий ва цала ляхъан дурсса макъаннай тлутлисса балайрду ишла буллай бур Ханты-Мансийскаллар музыка лахълахьисса школарттай, округрай сакин дуллалисса концерттирттай, байраннай ва ахлалшиву дусса хьунабакъавурттай, мукунна миллатирттал байраннайгу. Ванал творчестволун хас дурсса концерт каккан дурну дур 2020 шинал ва цува зузисса автономный округрай миккусса щала округрал культура-лул форумрай.

Хлусайннул арс Кьурваннул уттинин дунияллийн буккан бувну бур ялув кїицї бувсса журалий хладур бувсса мукъва лу: «Жула кьадар», «Ттул Ссивир», «Аьчухсса пикри», «Югралул кьадар билаятрал оьрмулу» тлисса. Цїана мува журалий итабакълакьисса ва лугу хъанай бур ххюйлчинмурну.

Тайлабацлы баннав вин ххаллилсса
лаккучу, инава дакIнихтуну буллалисса,
къабигъасса бунугу, халкъуннан хъунмасса
мюнпат бусса, бусравсса захIматраву.

Аьрасатрал Чичултрал созрал член,
Дагъусттаннал халкъуннал шаэр, чи-
чу, драматург.

Мирза Давыдов

ХЪХЫЧІМАХЪ

Ва хъхычІмукъуву ттун ччай бур був-
чІин бан, творчестволул чулухунмай ттун
цуманал цукунсса асар биян бувссарив, му-
зыка ва балайрду ттула оърмулун цукун ва
та бувхссарив.

ХъхычІва-хъхычІ макъанну, балайрду
на лалавсърар 6-7 шинаву. Муня махъ
цалчинсса шеърї ляхъан баннин ларгуна
дахъра 5 шин.

Цила багъайкун балайрду, макъанну
ляхъан дуллан гъира багъуна 30 шин хъуну
мукъах. Ца чулуха, нава тачІав миннуха зий
къаивкІсса куна ура. Цамур чулуха, балайр-
ду, макъанну мудан дикІайва ттул дакІниву.
Гай ттул оърмулун буххайва хавар
бакъанма, шадсса ягу пашмансса кьинирдай,
чара бакъасса аъркиншинна кунна. Гай

биклайва я цайминнал ляхъан бувсса,
цинявннан клулсса балайрду, ягу ттул
дак1ниву цлусса макъанну хласул шайва,
цила диклайкун щаллу къахъурчагу.

Балайрду хьусса иширан бавкъуну
биклан аьркиншиву ттун бувчлуна 10 шина-
ву. Махъ на мук1ру хьунна балайрдахсса
аьркиншинна ттучла хласул шайшиву паш-
мансса ишру хьусса члумал, миннуя ттула
дак1 мюхчан даншиврул, ххуйсса балайлул
нава стрессрая арх аншиврул.

Балайрдах вич1илийссаксса х1аллай, ха-
вар бакъа, ттул бак1раву хласул хъанан
бивклуна гай ттущавагу чичин хьунссархха
тлїсса пикри. Ттун ччан бивклуна ттула
дак1нивусса асарду балайрдайну аьлтту бан.
Ялагу, ттул мурад бия нава чивчусса ба-
лайрдаву цайминнал т1алавшиннагу
диклаву. Цавагу балай чичиннинма ттун

бувчуна инсаннавун балайрду ляхъан бул-
лансса гъавас ссал бутайссарив.

Балайрду, макъанну на чичлай ивкссара
чларысса шиннардий, амма хъунмасса
хлаллай мий чувчлав къабивщуссар.

Ацлра шинавусса оърчлан шеърирду
чичлан цукун дакнийн багъссар тий балг-
лагиний, на укусса пикрилиин учлара.
Муниргу клира савав дур.

Цалчинмур: тул нину, Къурванова
Шуаънат Къурванмахаммадовнал, дарс ди-
шайва байбихъулул классирттаву зунттаву-
сса Читтурдал шяраваллил школалий.
Марклаглан члумал ганил къинибархан
колхозраву захмат буллаи бивксса агъали
батлайва шяравусса клубравун. Клубраву
ганил дачин дайва балайрдал, къавтлавурт-
тал репетициярду, байрандалул къинирдай
инсантурал хъхъичл ккаккан даваншиврул.

Ниттил нагу уцайвав цищала клубравун.
Тикку бищайва гармун, зюннав, дачлу, ман-
долина. Мандолинагу, аккордеонгу хьунни
хьхьич1ва-хьхьич1 ттун бищун лавхьхьусса
музыкальный инструментру. Танийва ттун
х1сав хьуна, кьинибархан зах1мат буллай
бивк1сса инсантал буххаву хьамадиртун са-
модетельнострай гьуртту хьанахьисса куц.

Ттул нину шыравусса активист дия, ялагу
«Ц1усса ххуллу» т1исса районналул ккази-
трал жяматрал чулухасса корреспондентгу
дия. На Дагъусттанная лагаврин хас бувну,
ниттил чивчуна «Ниттил дуаь» т1исса балай.
Га ца балайлуву цач1ун бувну бия инсанту-
рал циняв ч1а т1и мурадру, халкьуннал
дуаьртту. Га ч1умал на ниттихьхьун махь
буллуссия гай мукьурттин макьан ляхьан
дан. Му ишираву ттун багьлай бия макьанну

чичин ва балайрду учин лахъхъаву бак1райн ласун.

Ниттил абпалун на хас бувссар «Нину» т1исса балай, махъругу, макъангу нара чирчуну.

К1илчингу: ттул ппу, Къурванов Х1усайн Х1асан-Х1усайнович, гъуртту хъуссар Буттал К1анттул Ц1анийсса Хъунмасса дяъвилову. Ганал пиша бия финансист. Ялагу, ганал хъунмасса гъира бик1айва суратру дихълан. Зувира шинал хъхъич1 буттал ттун пишкеш бувна цала блокнот. Га блокнотравун дия дарт1ун лич1и-лич1исса цала дурсса зарисовкарду, фронтрай цацала арх1ал талай бивк1сса дустурацал т1ий бивк1сса балайрду. Гай бия Буттал к1анттуйсса, дусшивруясса, ччавриясса балайрду.

Мукунма ганал ттун буллауна «Гъинтнил къини» т1исса шеъри. Га хас бувну бия

ц1уну буллалисса кулпатрал хъат1ул кьинилун. Буттан ччай бия на га шеърилунсса макъан ляхъан дурну, ттула обрч1ал хъат1ай увкуну. Му иширалгу на ачин улла ияв макъанну ляхъан даврил ххуллийх. Муниннин на балайрду учайссия дахъва ттула гъансаннал хъхъич1.

Хъхъич1 увкусса куццуй, ттул буттал пиша бия финансист, га зий ик1айва Лакрал райфинотделдануву, КРУ-рал ревизорну. Мукуна га ия художник.

Бутталгу ва цайми фронтрая зана къавхъуминналгу аьпалун на чичав «Бивк1у бакъасса полк» т1исса балай. Ттул умуд бурва балай 9-мур майрай, Хъуннасса ххувшаврил байрандалий, учаву къамул данссар т1исса.

Ттун 15 шин хъусса ч1умал Читтурав т1ирт1уссар дяъвийй ливт1уминнан ва

ятлатлар бакъа бакъаухъуминнан дирхъусса
гъайкал. Гъайкал дишаву сакин дурссар ттул
буттал, дяъвилия клия арс ва клива душнил
ласру занакъавхъусса ттул буттал ппу
Хласан-Хлусайнгу рязину. Шяравусса агъа-
лигу чларав бавцлуну. Гъайкалданий буттал
цала дирхъуна талатавурттал сценарду. Бут-
тал ссурахъуйл Ибрагъим Чалабовлул,
Гъумучиял школалул директорнал, къалан
бивтун чивчуссар шеърирду ва суратру.
Обрус мазрайсса махъру лавсъссар маш-
гъурсса советский шаэрнал назмулува, лакку
мазрайсса махъру буттал ттухъ чичи увкуна
яла цала кумаг бувна бакъин бан. Му дия
цалчинсса ттул буттал ттун дирхъусса твор-
честволул дарс.

Муния махъ ттул хъуссар чларысса цала
даврийн дакл тлайласса шаэртуращалсса
композитортуращалсса хъунабакъавуртту.

Гайнналгу ттуйн хъунмасса асар биян
бувссар балайрду ляхъан буллан ва макъан-
ну чичлан.

Зувира шин дурссар на Ханты-Мансийск
тiссa шагърулий. Му чiунгу ккаккан дурну
дуссар на ттула творчестволуву. Шикку на
кiул хъуссара хъхъичiунмайсса, цала
даврийн дакi тiайласса инсантурацал:

- Мансинал шаэр Андрей Семенович
Тархановлуцал. Га ия ттул хъхъичiунсса
дус, архiал жу сакин дарду Угро-Ямаллал
чичултрал организация, гикку навагу зий
уссияв ответсекретарнал хъириривчуну. Цiана
на ура чичлай ва ххаллилсса инсанная
«Шаэр ялапар хъанай уссар инсантурал
дакiниву» тiссa лу;

- Роман Николаевич Самолётовлуцал.
Международный конкурсирттал лауреат,
«XXI век» тiссa Композитортурал между-

народный союзрал член, Ханты-Мансиннал технолого-педагогический колледжрал преподаватель;

- Михаил Никитович Довганичлушал. Ханты-Мансиннал автономный округрал культуралул лайкьсса ишккакку, Украиннал культуралул лайкьсса ишккакку.

Шикку на ляхъан бувссар шамма балай: «Столица», «Гайз ба, Югра», «Жул кьисмат». Вай балайрдаину на бюхттул буллай ура на-ва кьамул увсса Аьрасатнавусса чливисса тлааьнсса кланттурду. Шиккува на чивчуссар «Югралул цлуку» тлисса, шаэрнан, Аьрасатнал культуралул лайкь хьусса ишккаккун, «Аьрасатнал дакл» тлисса цланин лайкь хьусса, халкьуннаву «Югралул нину» тлисса цла дирзсса Мария Кузьминична Волдинан хас бувсса балай.

Утти ччива бусан ляличлину творчестволул ххулий ттун асар биян бувсса, Гъумучиял школалий ниттил мазрал дарсру дихълай ивк1сса муабллимная—Шагъимардан Акниевлуя.

Шагъимардан ивк1ссар лакку балайрду ва гайннун макъанну чичлачисса заннал пагъму буллусса шаэр. Ганал лахъхъаврил программалувусса оьрус балайрдащал х1ала байва цала чивчусса лакку балайрду ва макъанну. Гай балайрду учениктурал учайва лич1и-лич1исса школалул концертирттай.

Цал, балайлул дарсирай, учительнал ттухъ увкуна: «Кьурван, вин районналул радиолувух балай учин багълай бур». «Ттун къачча», - куну, къарязи хьура. Амма ганал, на аьлич1ан увну, балай учин на лич1и увшиву бувсуна. Макъан, 6-мур классраву дуклакисса Шахьуватусса Шакир Х1асанов-

лул аккордеондалий дучинтиссар, увкуна. На ялагу къярязи хъанан ивкIра, навалу къяучинна тий. Учителънал клукIлуну цIувххуна: «Щищал учин ччай ура?» - куну. Жул классный руководитель Патимат МахIаммадовнал арс Шамиль Керимов ккаккан ав. Га ия ттул дус, ганал чIу ххуй бизайва ттун. Учин мукъун, махъ Шамиллуя хъуссар Дагъусттаннал халкъуннал лайкъ хъусса артист ва Лакрал театрданул парторганизациялул секретарь.

Яла учителънал цIувххуна ттухъ: «Ци балай учинна?» Му суалданун жаваб дулун на хIадурну акъассияв. «Вяркъу Къянив лавгунатIар» тIисса балай уча увкуна учителънал. Га бия цала чивчусса балай. Амма на рязи къавхъура. Учителънан хъинну къаччан бивкIуна. Га хъювсулну занан ивкIуна клас-сравух. Яла, паракъатакъа, цIувххуна: «Ци-

ванни вин кѣаччисса ттул балай учин?» На
бувсѣссия ттун кѣабувч1лай бушиву, вяркѣу
муксса архну циван левххун лавгссарив, му-
нияр гѣанну ттул шыравалу Читтур дунура.

Га, хѣиннува хѣювсул увккуну занан
ивк1уна, канихѣсса аѣсавгу шывн кѣуч дул-
лай. Га аѣсаврал ч1у щала классравух лехлай
бия.

Яла, цакуну, дак1 чанна хѣусса куна,
авц1уну, мах1атталну ц1увххуна: «Циванни-
кѣай, вин, ттул хѣхѣич1унсса дуснал
Х1усайннул арснан, кѣабувч1айсса, циван-
нив вяркѣу Кѣянив лавгсса? Кѣяни хѣинну
архсса шыравалур. Вяркѣу—литературалул
сипатри, муния балай байбихѣлахѣиссар.
Кѣяннал агѣали, цач1анма хѣамал буч1ав-
рия ххарину, зюннав-дач1у руцлай бур,
цулч1а кѣавт1ун бизлай бур, циняв жа-
наварт балайрду т1ий бур».

На, учительнал тлутлимуниху вичли дирхьуну, ялагу: «На му балай кѣаучинна», — учав. Га балай ттун жагьилсса адаминал учин лайкь бакъасса балайну члалай бия.

Классраву циняв кѣабагьну бия. Гужрай паракъат хьуну, учительнал цлувххуна: «Туну, ци балай учин ччай ура?» На, пикригу бувну, бусав оьрус мазрайсса клива балай учин ччай ушиву: «Дакл балай тлиний» («Когда душа поет») ва «Шяраваллил чларах» («Вдоль деревни») тлисса. Учительнал цлувххуна: «Ми балайрду циван личли бав ина?» На учав: «Инсаннал дакл мудан балай тлун аьркинссар. Балайлул инсаннавун захлматраву ва талатавриву гьунарду бансса гъавас бутайссар. Учитель, муv инава лахьхьин байссия жун!» — куну. Учителънаща манеъшин дан кѣархьуна. Клилчинмур балай личли баврил агъамшиву на бувчлин

бав: ва балайлул буслай бур электричество
ва радио Дагъусттаннайн дуркIшиврия, ку-
ну. Ми гъантрай жул Читтурав электриче-
ство дурцуну дия. Му балай увкуну, на бусан
ччай ура ттула ва шяравусса агъалинал хха-
ришиврия. Учитель рязи хъуна. Мукун, вай
кIива балай жу Шамиллушал увкуссар рай-
онналул радиолувух.

ЦIана му иш дакIнийн багълагъиний, на
махIатталну икIара нава учительнащалсса
ихтилатраву литературалул ва макъанну чи-
чаврил дарсру лаласлай ивкIшиврия, цук-
ссава ттун творчество чантI чин дайсса ва
учин ччисса балай личIи байсса куц кIул
бан ччай бивкIссарив.

Нава га чIумал учительнал чивчусса ба-
лай учин къарязишаву дакIнийн багътарив,
ттун намус шай. ХIайп тIий икIара ххишала
ганаха хIурмат бансса сант къархъушиврия.

Оърму мукун лавгунни: нава кьура шинаву
Новосибирскалийн дуклан лавгун, тийх ин-
ститут бувккуну махъ, Ссивирнаву мина
дирхьуну, тийх ялапар хъанай ливч1унна.

Шагьимарданнул 90 шинай, ххишалагу
оърму бувтунни, урч1ва оърч1 хъунма бун-
ни. Га хъинну ххирая цала оърч1ан, дусту-
ран, гъанминнан, хъунмасса х1урмат бия
районналул бак1читурал ва учениктурал
чулуха. Ганал лайкьсса оърму бувтссар. Га-
нал аьпалун Гъумук ттула авторский вечер
сакин дансса пикри бур ттун. Га вечерданий
ттула балайрдащал ганалссагу увкуну ччива.

Ттигу ца ттула оърмулуву ттуйнма хъун-
масса асар биян бувсса инсанная бусан ччи-
ва. Му ия ттул ниттиуссу Ххюлусматусса
Мах1аммадов Исмяил Кьурванмах1амма-
дович, Буттал К1анттул Ц1анийсса Хъун-
дяъвилул ветеран. 17 шинаву му лавгссар

фронтрайн, 19 шинаву аккордеонгу хъарайх
бувтун, мугу бишлай гъуртту хъуссар парад-
рай, жула абралуннал лавсърсса Рейхста-
грачла.

Ниттиуссу ия усттарсса кару дусса
члывусса гъунардал заллу. Ганал музыкалул
инструментру, янна дуруххай ва пишуций
машинкарду бакъин байссия. Мунищала
архлал га ия музыкалул чулухунмайсса
гъунарданул заллу, магъирну аккордеон би-
щайва. Дагъусттаннал агъалинан бюхъай
даклний биклан: цинявннан ххирасса,
машгъурсса лакрал балайчи Мариян Данда-
маевал ттул ниттиуссил, Исмяил Махлamma-
довлул, аккордеонналухун балай учайссия.
Ганан клулссия дунияллийсса циняв хал-
къуннал макъанну. Ванал душри Дагъустан-
нал машгъурсса балайчи Эльза Рамазанова.
Вагу ттул ссурахъу хъанай бия. Хлaip, Эльза

хъунмасса апатІ хъуну, ччяни дунияллия лсвгунни. Ттул ганищал дан дакІний диркІсса творчестволул планнугу дузрайн къадурккун лирчІунни. Ганил аьпалунсса балай чичин багъунни.

Ниттиуссу ия къучагъсса, гьарца чулуха итххявхсса инсан. Ттун га хъинну ххирая. ЖучІан хъамал бувкІсса чІумал, нитти-уссил гайннан бищайва аккордеон. На гьарзад хъамадиртун ганах вичІи дишайссия. Ми дия ттул оьрмулул 3 шинаяту 10 шин хъунинсса чІунну.

Ганал, на ккавккукун, «Ци ччива?» куну, цІуххайва, ци-дунугу нацІусса дулун ччай, амма на ганахь мудан учайссия: «Аккордеон бища», – куну. Ганал дуцайва жула лакрал, Дагъусттаннал макъанну, Индиянал музыка, «Турецкий марш», «Полонез Огинского», «Брызги шампанского» ва мукунма цаймигу.

На тлісса куццуй, га ия гьарца ишираву
усттарсса инсан-механик, слесарь. Цала дав-
рил даража лавай баншиврул члявусса ча-
ранну льякбайва. Масалдаран, цала трофей-
ный аккордеондалул члукла ляличлину ххуй
баншиврул, ганал аккордеонгу, кларнетгу
цачлун бувна, пуршливух кливагу инстру-
ментрал архлал члурду букканшиврул. Яла-
гу, ганал цува щяивклсса кланттул лув
дацлан дурну дия механикалийсса дачлу. Га
педаллах музыкалул ритмалун даркьусса
режимрай зузи дайва.

1960-1970 - ку шиннардий ниттиуссу зий
уссия Махлачкьалалив Пушкиннул кучалий,
«Лезгинка» ресторанналуву. Гиккун бучлай-
ми магьирну макьанну рурцуну ххари байва.
Ганал цала бувсса инструментрал члурдугу
ансамбльданул члурду кунма баллан
биклайва. Гания махъ гайва музыкантътал

зий буссия Кирова ва Венгерских бойцов
тлсса кучардал мурцлнийсса «Южный»
тлсса ресторанналуву.

Финансовый техникумгу бувккуну, на
Новосибирскалийн институтраву дуклан
нанисса члумал, ниттиуссийн ттучлана
хъамалу оьвкуссия, нава яхъанайсса бувгъу
къатлувун: «Ниттиуссуй, тихунай ачиннин
вил аккордеондалул ххаллилсса члу бавну
ччива»,—увкуссия. Га увклуна на тлайла
уккан цала хлайран уллалисса музыкалуцал.
Га кьини дурцусса макъанну цланагу ттул
даклнива къадуккай.

На дакл дарцлуну ура, ганащалсса
хлалашиву ва ганал творчество ттул шеъри-
рду чичлансса ва макъанну ляхъан дулланс-
са гъануну хъушиврий. Щак бакъа, ганал му-
зыкалул ттун кумаг бувссар творчестволул
ххуллийх ачин.

ЧІярусса шинну ларгун, Исмяил нитти-
уссу дунияллия лавгун махъ на чичав «Ттул
Ссивир» тлісса шеъри, ганийнсса музыка.
Га балайлуву на бусав цуксса агъамсса кІану
бувгъуссарив ниттиуссийл ттула оърмулуву
ва творчестволуву. «Ттул Ссивир» тлісса
балай на хас бувссар ттула ххирасса нитти-
уссин, фронтовикнан, ттул оърмулуву
хъунмасса кІану бувгъусса инсаннан.

Ина макъан рурцуну,

На хІайран унна,

Архсса ссапарданийн

Ххуллухъин куна.

Шикку, тайгалуву,

Яхъанай ура

Жагъилния шинай

Ттинингу шийхва.

Ниттиуссийл пагъму-гъунар на ттула дак1ниву, гъайчали кунма, Дагъусттанная Ссивирнавун лавсун лавгссара. Га гъайчалт-тул на яуллай уссара уттинингу ттула творчестволул ххуллий.

Вай бувсумур гъарзат ттула мурадру щаллу баврил ххуллий яла агъаммур гъанури.

Ялагу ттул дак1нил асарду чант1 учин бунни хъамитайпалухсса, инсаннал дак1ни-вун мудангу гъавас бутайсса, мудангу асар биян байсса эшкьи-ччаврил. Ва жуж кка-лаккиманан х1исав къавхъуну къабик1анс-сар т1ий ура.

Ч1явуми шеърирду инсаннал х1акъсса эшкьи-ччаврил ц1аний къини дуккаврингу, лавай гъаз шаврингу хас бувну буссар.

Буккултрал вай шэърирдангу, хъхьич1ва бувкминнунгу ххуйсса къимат бищурча, му къимат на ккалли банна ттула нитти-буттан,

ттула ххирасса учительнан, ниттиуссин,
ттунма ххирасса хъамитайпалун бивхъусса
къиматран. Вайнналли ттул дак1нивун
гъавас бувтсса. Ва жуж на хас буллалиссара
вай инсантуран.

Ц1анасса ххюйлчинмур шеърирдал жуж-
раву нава чивчусса хъхъич1мукъуву на
аыцуйн щуну бусав буккултрахъ ттула ба-
лайрдал ва макъаннал творчестволул ххул-
лия, цалчинсса ургъилдания т1айла хъуну ва
жуж къуртал бувсса ч1умуйн бияннин. Ва
жуж канил бувгъусса лакрал буккуйн на
хъхъич1мукъувун бутав ттининнин бувксса
жужравусса хъхъич1мукъурттивасса махъ-
ругу. Хъунмасса барчаллагърай ура ттула
зах1матрал къимат бивщуманайн.

автор К. Г. Къурбанов

ВА ЛУТТИРАЯТУССА ТТУЛА ПИКРИ

Хлусайннул арс Къурван Къурвановлул ирглийсса ва хъунбакъасса шэърирдал ххюйлчинмур луттирдавун бивчусса шеъ-рирдал ва миннуцлун даркъусса, цала ляхъан дурсса макъаннал ттул даклниву ттюнгъасса асарду чантl учин бувссаксса иш хъунни.

Макъаннацлун бавкъусса шеъридава баллай бур зунттал мюрци ратlал жюржугу, майдансса ардайх ва някl-къачlасса ссавни-лун щавчусса зунттал бизанттайх как тlутlисса, ттюнгъасса дюхлулул щурщугу.

Ва дур щалагу Дагъустттаннал, хаснура лакку билаятрал, тlабиабтрал ва му тlабиабт чlюлу дуллалисса захlматрал агъалинал дус-шиврул ва хаин дакъасса, ччаврил асарду аьч буллалисса, даклурдил асланшиву аьлтту дуллалисса шаэрнал даклнил дазу-зума

дакъасса уздансса пикри-хияллал члюлупинна хъиннура уттара дуллалисса караматшиву.

Ва гьунар бусса шаэрнахь, цайнува цува хьусса композиторнахь учин ччай ура:

«Тайла бацлу баннав вин инава лавсун нанисса къабигъасса, амма члявучин бусравсса ахир хайрданийн дуккансса аьрххилий», — куну.

Ччай бур вил шеърирдал ва миннуцлунсса макъаннал щаращи муданма жюржутинма.

Аьрасатнал Чичултрал союзрал член, Дагъусттаннал халкъуннал чичу, шаэр, драматург, литературалул члярусса премиярттал лауреат.

Аьрасатнал Журналистурал союзрал член.

Мирза Давыдов.

БУРГЪИЛ ЧАНИ

Ина бакъа къачча т1ий,
Вил хъирив занай ура,
Инарив на къачча т1ий,
Цаманах луглай бура.

Припев: Ина, ттул янил чаний,
На сан къауллай бура,
Симан ххуйсса дунугу,
Авадансса акъар т1ий.

Мяйжанссар, хъус дакъар ттул,
Ина мах1аттал бансса,
Амма вихсса ччаву дур,
Аьлам машан ласунсса.

Припев.

Хъус цир—ца хъхъу ва кьини
Азарунначла шайсса,
Хъус дуркбай эшкьы-ччаву
Тачла в мискин кьашайсса.

Припев:

20. 03. 2000 ш.

ш. Махлачкъала

ОЪРМУЛУЛ ДАРС

Ч1алай бунугу винма
Гъарза ххуйну к1улшиву,
Оърмулул бувч1ин байссар
Инава аьйкъушиву.

Припев: Ттун оърму ккавккунни т1ий,
Аькьлукар махъанарда,
К1ива оърмугу чанни
Аькьлулул хъирив лаян.

Ч1ун дакъар маучара,
Ч1умул багъа к1улшайхту,
Винмари махъ бувч1айсса
Оьнна ларгшиву шинну.

Припев.

Гьунттий данна мачара,
Хлакьину члун дакъар тлий,
Хлакьину дурмуничлан,
Гьунттий данмур къадучлай.

Припев.

Жагьилла тлий, гуж бур тлий,
Заэвманай гуж бувну,
Гьакь винма маласара,
Му кьини вийра дацлай.

Припев.

Инава сан къауллай,
Вила дакл гьагъан дуркун,
Гьарзатрал кьимат цирив,
Ялар вин бувчлентлсса.

Припев.

11.03. 2013 ш.

ш. Махлачкъала

ХІУКУМАТРАЛ КЪАЧАГЪТАЛ

Халкъуннай дак1 ц1ий дур т1ий,
Х1укумат зия дунни,
Хъуслин заллу ччиссар т1ий,
Х1укумат вих дирчунни.

Припев: Яла марц1ми цивру т1ий,
Къуллугъру бугълай най бур,
Ч1явучил гъаз бунну т1ий,
Ласлай машан къуллугъру.

Х1укуматрал къуллугърай
Халкъ хъяврин буллалими,
Хъус дач1ин зах1мат хъанай,
Цаннайн ца бур х1апа т1ий.

Припев.

Къучи - къачагъшивуртту,
Цалла бак1райн къаласлай,
Ялавайнай аьй дуллай,
Циппа бур къутайн лахълай.

Припев.

Щялмахъирттал ликкурттай,
Архну ачин къашайссар,
Хальуннал ссавурдугу
Къуртал хьуну ляхъайссар.

Припев.

Х1арансса хъуслил тач1ав,
Талих1райн уккан къаай,
Тава - тагу кунц1уллул
Венттувун оьвкъун лагай

Припев.

16.01.2004 ш.

ш. Мах1ачкъала

ДУШНИЛ УМУДРУ

Ва кѣаччисса ур чара,
Та оѣккисса ур чара,
Так ччива дагѣанттувух
Вихва буруган буван.

Припев: Хияллу вил нацѣури,
Дард вин цирив кѣакѣулли,
Эшкѣилул хѣаттирдайгу
Кѣакѣулла лехланшиву.

Чѣун ца кланай кѣадацѣай,
Жагѣилшивугу лагай,
Шин ларгун, оѣрму лавгун,
Лѣкѣару хѣунив хѣуну.

Припев.

Дак1 хъуншиву къадурну,
Ч1умуя неъмат ласи,
Ччан хъусса жагъилнахгу
Шаврийхну я билута.

Припев.

Ххиранай аьй къаляхълай,
Га ххуй ан х1арачат ба,
Ялара, ххуй душ, ина
Вила умудрайн бивсса.

Припев.

16.01.2012 ш.

ш. Мах1ачкъала

ЭШКЪИЛУЛ ХЪАРУ

Вила дардирдая
Ттухъва бусарчан,
Ухъурчангу архну,
Левххун учланна.

Припев: Ттучлан титирчан ка,
Вихшала дурну,
Вил каниву мусил
Ашрапи хъунна.

Вила умудрая
Ттун баян барчан,
Му дузрайн буккан бан
Жан харж дуванна.

Припев.

Вила аьмалданун
Лавхьхьусса талих1,
Аллагьналгури вин,
Пиш-каш бантIисса
Припев.

15. 03. 2013 ш.

ш. МахIачкъала

АБЛАМАТ

Ва кѣни цаннивав
Вакса чаннасса,
Дак1нил рах1атшиву,
Ваксса гьартасса.

Припев: Ца аьнт1ик1а душнил
Ттухь дак1 дарч1унни,
Дак1нивух бургъил нур
Экѣи ларгунни.

Т1урк1ут1исса чурххал
Циняв базурду,
Ссавнил аьламравух
Гьузун бивк1унни.

Припев.

Дак1нил ххаришиву
Интнил марч хьуну
Барзунттал хъач1 - бак1айх
Лерххун дарчунни.

Припев.

16.01.2014 ш.

ш. Мах1ачкъала

ЧИВИМА УССУ

На уссияв ттула
Уссил дардирдай,
Чагъар-хавар бакъа,
Чун бат хъуссар тий.

Припев: Вана хавар бакъа
Бувкунни чагъар,
Уссу, вин барчаллагъ
На ххари увсса.

Цухлай ур кул буван
Ттул халкъазия,
Кумаг аьркиннив тар,
Чув зий ура тар.

Припев.

Уссу, левххун най бур

Оьрмулул гьантри,

Цала зумардугу

Ссуссукуь дурну.

Припев.

На ссаха зурчангу,

Ци дулларчангу,

Ура заманалул

Ххари кьауллай.

Припев.

Лавгсса заманалийн

Бивтсса ккулларду,

Ттупруну жуйнма тти

Бур к1урабаллай.

Припев.

12. 05.1998 ш.

ш. Ханты-Мансийск

ТТУЛ ЭШКЪИЛУЛ ГЪАЙЧАЛИЙ

Вил симан, х1авилул чурх
Даин итталу бац1лай,
Вихсса ччаврил гъавасрал
Ур ттуя аьшукъ авай.

Припев: Дак1ния хъару хьуну,
Няк1 ссуруллавун гъаз шай,
Гъава буллай, вих луглай,
Чувч1ав лякьин къабюхъай.

Мудан ина дак1нийну,
Дак1 дач1ин ч1арав бакъа.
Укун най бур ттул оьрму.
Вил хъири-хъирив занай.

Припев.

Муданма дак1нивусса,
Ттул эшкьилул гьайчалий,
Х1айп, мунил кьадру бакьул
Бутарчан цала хьувух.

Припев.

24. 06. 2013 ш.

ш. Мах1ачкьала

МУСИЛ КІІЧІ

Ттул мусил кіичі инара,
Ххирамур! Цукун бура?
Цанна ина пашмансса?
Яру хьхьичіун бурувгсса?

Припев: Вай ттул яруннал чаний,
Ххаришивгу инара,
Ина ттухьва пиш чирчан,
Дардирацла дак1 марц1 шай.

Ттух ина эшкьи дарчан,
На умудрайн иярчан,
Ттула жан вин пиш-каш дан
Рязи хьувияв таллагь.

Припев.

Дак1нил кѣумашив арх да,
Вин талих1 булунт1иссар,
Ххаришивгу, ххуйшивгу,
Вил ялун диянт1иссар!

Припев.

15.01. 2014 ш.

ш. Ханты-Мансийск

АБЪШАТЛУЛ ДАРД

Та бучларчангу вичлан,
Инсантал бур рахлатну,
Вил будкалув щябивклун,
Саяхътал, шярайхбуккулт.

Припев: Ивчларчангу, ях1 бува,
Лякъи арцу ч1ярусса.
На миннух мякъну дура,
Ядан мий ттухъхъун дула!

К1а Ах1мадгу бат ува,
К1аная вин хайр бакъар,
Арцу к1анач1а дакъар,
Хъуслил заллу к1а акъар.

Припев.

Му костюм циван ласав?
Лахханмур дакъа урав?
Вин арцул къадру бакъар!
Хъус-мусигу сан дакъар.

Припев.

Ях1 банну къадуркуну,
Бик1анну къаларххуну,
Кайпругу яла банну,
Магъдий, зузу, ях1 бува!

Припев.

18.04. 2008 ш.

ш. Мах1ачкъала

ПАТИМАТЛУЛ ЛАСНАХЬССА ДАРС

Гьарзатрал бак1 арцури,
Чяни даврийн заназу,
Вила арцух х1ан х1ач1улт
Виятува арх бува.

Припев: Ттухь мат1ра ц1ими хьунни,
Мискин ия мачара,
Ми хаварду ттун кьачча,
Арцу ттуч1ан дачин да.

Ургу цайминнал кьатрах,
Ургу ч1аххуврал хьуслих,
Ттуяр ххуйссарив Асват,
Ххира яннарду лахлан?

Припев.

Вил кьукьа дустурал дур,
Вихь арцу дула тий бур,
Ина миннай язухърай,
Ичалу дур лют дуклай.

Припев.

10.01.2008 ш.

ш. Махлачкъала

ДАРД

Ттунма хьинну ххирасса
Дагъусттаннал аьрщарай,
Баххана хьу оьрмулул,
Ях1-намусгу чан бунни.

Ц1акьсса зузалтру цив т1ий,
Къуллугърал заллу шайхту,
Щялмахъирттай хъап-шап дай,
Канихъхьун дирияймур.

Ххулла баякъу къачагътал,
Арцуйн иман дирхьусса,
Зун начрагу къашайрив
Мискиннал къисмат букан?

Ц1адурксса х1укуматрай

Къачагъшиву ц1акъ хъуну,

Базу- базурдавату

Щала дур хъяхъа куну.

Ттун ххирасса Дагъусттан,

Ссавур дуллай бур вирттал,

Мукусса аслантуран

Ххуйрив ина чил хъанан.

Бур жула гъунарчитал,

Х1арачат бусса вирттал,

Минналли дувант1исса

Оь-хъинмунил дя-зума.

16. 08.2000 ш.

ш. Мах1ачкъала

«Гъинтнил кьини» тlисса назму ляхъан дурссар 1965-кусса шинал вара Читтурдал шяраватусса гьунар бусса художникнал, Буттал Кланттул Цланийсса Хьунмасса дяъвилул ветераннал Кьурванов Хlусайн Хласан-хlусайннул арснал, ва луттирал авторнал буттал, ялун дучлансса цала оьрчlал хъатlал ххаришивурттан хас бувну, чан-кьансса бакьи-шакьингу бувну бишлашиссар хьхьичlва - хьхьичl.

ГЪИНТНИЛ КЪИНИ

Зунттуха ттурлу дуккай,
Неххардия щин ласай,
Ссуруллувун гъаз хьуну,
Щюлли урттуйн пурх учай.

Ттуруллава баргъ буккай,
Уртту-тlутlал тlитlу бай,
Ранг-ранг тlутlив хъяхъа чай,
Ущу-щулгьи щириклай.

Ва гъавалул неъматрай,
Уртту-тлутлал дяниву,
Ччаврия нарза ласай,
Эшкыи-ччаву хъуминнал.

Хлакыну ва шадшиву
Жул къатлуву хъуну дур,
Оърчлан талихл чла тлисса
Жул умуд барт лаглай бур.

Хлакыну цачлун хъусса
Вай клирагу тлутлигу,
Мурадирттайнгу бивну,
Щалихханнин битаннав.

Ва жул хъатлул сий гъаз дан
Хлакыну шиккун бувклсса,
Цинявннайгу дацланнав
Ва барачатсса кыни!

07. 05. 1975 ш.

ш. Махлчкъала

«Ниттил дуаь» тIисса ва назму ляхъан дурну дур 1968-кусса шинал Лакрал рай-ондалийсса Читтурдал шыраватусса му-аьлимнал, «Хяххха баргъ» тIисса кказит-рал жяматрал чулухасса корреспондент-шивугу дуллай, цала шыравусса школалий муаьлимшивгу дуллай бивкIсса Кьурвано-ва Шуаьнат КьурванмахIаммадлул душ-нил, ва луттирал авторнал ниттил, цила арс Ссивирнавун дуклан тIайла увксса кьини. Бишлашиссар хьхьичIва-хьхьичI хьис баххана кьабувну.

НИТТИЛ ДУАЬ.

Дуаь Аллагьнал даннав,
Амин идавсил чиннав,
Гьар чIумал зул дакIниймур,
Хьин чулий бартлаганнав.

Дяркѣу зуйн кѣакѣутѣиннав,
Азар зуйн кѣадияннав,
Цѣуллу - цѣакѣшив зуюту
Тачѣав яла кѣагѣаннав.

Аьрххи - ххуллий наниний,
Ххув зал архѣал изаннав,
Дакѣниймургу бартлавгун,
Ххарину зана хѣуннав.

Цѣуллушиву даиман,
Зул чурххахѣхѣун дулуннав,
Буллугѣшиву кѣатраву
Дакѣасса чѣун кѣахѣуннав.

Буруккин кѣачѣа баннав,
Шадшиву чѣяру даннав,
Зул кѣатраву гѣар чѣумал
Мажлисру чан кѣахѣуннав.

19 05. 1975 ш.

ш. Махѣачкѣала

ХИЯЛЛУ

Ч1явуми хъаннин ччай бур
Цила ласну къулугъчи,
Чил зах1матрай ляркъусса
Хъуслил заллу шайнут1ий.

Припев Так мукун ляркъусса хъус
Заннал х1алал къадайссар,
Ч1ут1ул кьунну талих1рал
Хъхъич1ун мудан дагъайссар.

Инагу, ттул ххира душ,
Хъуслийн икрам мабара,
Вила оърмулул талих1,
Оьлукъин мабувара.

Припев.

Нац1у хиялал лавсун,
Пахрулий мазанарда,
Пахрулул хъару гъаргъун,
Ялгъузну лич1арача.

Припев.

16. 03. 1967 ш.

ш. Мах1ачкъала

ХХИРАМУНИХЪ

К1юрххил чант1 учайхтува,
Вил симан ттул хъхъич1 дац1ай,
Бак1равусса пикрирду
Вих х1урмат бансса льякъай.

Припев: Ина ттух вич1и диша,
На увкумургу бува,
Вин ялар бувч1инт1исса
Ччаву хъусса чувнал х1ал.

Ц1уц1аврил къавла увну,
Ц1уц1и шаний унугу,
Вил шаврийну бургаврил
Жанналий аргъ дизан дай.

Припев.

Ттун даругу, дармангу,
Дак1нил рах1атшивугу,
Оърму ч1юлу баймургу
Вил ц1узурул симан дур.

Припев.

«На вин къаххирара», - т1ий,
На пашман мауларда,
Инанияр ххирасса
Ттун дунъяллий цир дусса?

Припев.

15.09. 2015 ш.

ш. Мах1ачкъала

ОЪРМУЛУЛ ХХУЛУ

На оърмулул ххулий най,
Аьйкьлай ивк1ун льявкьунна,
Амма ххуллуй аьй ляхълай,
Аьсив уклай акъара.

Нара дурсса давуртту
Щихъч1ав мяш т1ий акъара,
Дак1нил марц1сса хияллу
Дузрайинни буккан бувсса.

«Вич1а хъусгу, кьуллугъгу,
Бакъар т1ий», - ттуй аьйрду дай,
Къачча, хъуслил залимнан
Залгума хъамаитай

Хъусгу, арцугу лагай,
Кьуллугърайгу цама шай,
Дух къалагайсса хъусну
Дак1нил марц1шиву лич1ай.

20.10.2016 ш.

ш. Мах1ачкьала

ЯНИЛ ЧАНИ

Ах1макъсса ччаву хьуну,
Лагавай бур ттул оьрму,
Ина бура къачча т1ий,
Вил х1урматгу, инагу.

Припев: Вил дак1нич1ансса ххуллул
Дайдихьу дан бюхъарчан,
Хьхьуния кьини дурну
Уч1авияв вил хьунийн.

Гъарцаннан цала ххуллу
Нисив хьуну льякъайссар,
Галих1рал ххуллурдал ттухь
Ина бакъа къаччат1ар.

Припев.

Нану ттуч1ан, къукъухъхый,
Щябик1у ттул хъач1унттай,
Ларзнил кьанчуллув банну
Жунмасса ччаврил кюру.

Припев.

Шинай цалли бияйсса
Къурдарав лач1ал ч1аллу,
Ч1ун дуна къаттих1ирчан,
Лякъайссару ч1ал хьуну.

Припев.

17.12. 2015 ш.

ш. Мах1ачкъала

ЦАННА ПАШМАНССА?

Агъ ттул, янил чаний,

Цанна пашмансса?

Дух1и яру цанни

Цаннал бувц1усса?

Припев: Оьрму вищал бутан

Ччимагу нара,

Вил оьрму ч1юлу бан

Шаймагу нара.

Ина ттула ч1арав

Бухьурча даин,

Мик1ирал чуллайгу

Къаабкъинссара.

Припев.

Ттухсса ччаврил асар

Так виву бакъар,

Ттулмур ччаврил балай

Бакъар вин баллай.

Припев.

Ци бави, ци чиви

Щихъ ци учиви,

Ябанна ва асар

Ттула талих1ну.

Припев.

25. 12. 2022 ш.

ш. Мах1ачкъала

НАНУ ТТУЛ ХЬУНИЙН, ХХИРАЙ!

Ина, ттул янил чаний,
Чун бакъа хьуну бура?
Вих луглай вай ттул яру
Ххуллурдай ливчлуннихха.

Припев: Ттул оьрмулуд тирхханну
Так ца инара бусса,
Нава чув ухьурчангу,
Даклмур вичлари дусса.

Хяххабаргъ кунма бувккун,
Перх куну бакъа шара,
Ташмансса хияллаву
Нагу оьвкъун ачара.

Припев.

Баргъ буккай, гъили бару,
Гъарал къур ц1улаган бай,
Бартлаган ттул мурадру,
Нану ттул хьунийн, ххирай.
Припев.

15. 03. 2018 ш.

ш. Мах1ачкьала

ЦАРА ИНА ТТУЛ БУССА

Вил исвагъисса чурххал,
Ц1урттан лавхъхъу яруннал,
Х1айран увну, хияллал
Хъаттирдай ура лехлай.

Припев: Ина, ттул янил чаний,
Алжаннул багърал т1ут1ий,
Вихри ттул эшкъи хъусса,
Цара ина ттул бусса.

Барзру, шинну ларгунни,
Замана цамур хъунни,
Так ттул вих хъусса ччаву
Хъиннура яши хъунни.

Припев.

Циняв жула умудру,
Дузрайн къабуккарчангу,
Къадарду хаиншиву
Жула ччаврийн тач1авгу.

Припев.

К1улли ина чинт1иссар:
«Ттуяргу бак1рал ххуйсса
Душру бурхха цикссагу
Бувч1а винма ххуй бивзмур».

Припев.

Вил иттавгу урувгун,
Ххирамур, нагу чинна:
«Ттул ххуймургу инара,
Ттул талих1гу инара,
Вищал акъа талих1райн
На къауккант1иссара!»

Припев.

16.02. 2020 ш.

ш. Ханты-Мансийск.

МУСА МАНАРОВ

Ссивирнал вац1раву зузисса ч1умал,
Дак1 ххари дувансса хавар бавуна,
Ссавнил авлахъравун левхссар т1ий Муса,
Цувагу лаккучу, Дагъусттаннал арс.

Припев: Бявкъусса Ссивирнал арх билаятрай
Ттухъ бия халкъ ц1ухлай цари ми лак т1ий,
На учав Дагъусттан ца т1ут1ал кац1ри,
Мусагу жул лакрал аслансса Арсри.

Дунияллийх буссар ттул лак ппив хьуну,
Каругу мусилссар, дак1ру асланссар,
Багъарчангу цивппа къунналул чуллайн,
Ахъулссаннул багъру бувайссар ххяххан.

Припев:

Циппа чув бунугу, аьрщарай, ссавний,
Цари дусса миннал аьзизсса ватан,
Ссавнил аьламрава чанна ц1укуну
Лаккучу Мусагу зана хьунт1иссар.

Припев.

09.05. 1989 ш. ш. Ханты-Мансийск

ДАКІНІЛ ДАРД

Гъарца чув оърмулуву
Цанмасса пикрирдай ур,
Ххуллул лахъишив ларсун
Талих1райн иян ччай ур.

Припев: Аърххи дузрайн букканнав,
Дард дак1ния дукканнав,
Ххуллийх бивзсса гъарца ша
Хьуннав талих1рач1ансса.

Тгувугу дур ца х1асрат
Украиннал дуллусса,
Аллагънайн лаизанна
Буручча т1ий жагъилтал.

Припев.

Гъар зах1матран буссар х1акъ,
Ях1 банна къарут1ин макъ,
Къянкъашиврун лавхъхъусса
Барачатгури бусса.

Припев.

21. 08. 2012 ш. ш. Мах1ачкъала

ВИЛ ЧІУ–ТТУЛ ДАКІНІЛ ДАРМАН

Чачлав вил чіу кѣабаяй,
Янингу ххал кѣашара,
Ччаврил дуллусса хласрат
Ура чин кіулу кѣадуллай.

Припев: На вил хѣхѣчі тіитіин банна
Ччаврил алжаннул кѣапу,
Заннал дуллусса шинну
Гѣан данну хіазрай цачіу.

Вил чіу – ттул оѣрмулул аргѣ,
Симан – яруннил чани,
Бургѣил тіутіину ура
Вил хѣири-хѣири занай.

Припев.

Экѣи най дур шиннугу
Даралувух щин хѣуну,
Ттул чулухунмай бакѣар
Буруглай вил яругу.

Припев.

19. 09. 2020 ш.

ш. Ханты–Мансийск.

ДУХІАН ЗАХІМАТССА КЪЮВУ

Ттун вия хавар бакъар,
Янин ххал шаву дакъар,
Луглай лякъин къабюхъай,
Ва бур эшкъилул бала.

Припев: Оьрму най бур аьзаврай,
Аьнтсса къювурду дух1лай,
Дак1 дур оьттун дуцавай
Вил хъири-хъири занай.

Вил лас, оьрч1ру бушаву,
Му ттулгу ххаришивур,
Так ва ччаврил ц1уц1аву,
Ц1у кунна дур ц1урук1лай.

Припев.

Вил лас вийн хаин хъанай,
Вил ччаву кьюкбин дуллай,
Таллагъ вил мукбал кьюву
Ура духлан къахъанай.

Припев.

14.01 2012 ш.

ш. Ханты-Мансийск

ТТУЛ ХХАРИШИВУ

Ва дуниялгу цири,
Хъусгу, арцугу цири,
Ттул дак1нил рах1атшиву
Щалва ина буну махъ,

Припев: Ттул муси - ашрапигу,
Щалла хъусгу инара,
Ххуйма нара къачинна,
Ххуйшиврул бак1 инара.

Махъругу ссан аьркинссар,
Лайкъ-къалайкъшиву цири,
Ттул дак1нил ххаришиву
Дурхха вияту хъуну.

Припев.

На виха тlунна балай
Хъунав хъусса чlумалгу,
Илданун мййжан буллай
Хъуннар къашайшив ччаву.

Припев.

23. 11. 2019 ш.

ш. Ханты-Мансийск

ОГЛАВЛЕНИЕ

Авторнаясса бусаву	3
ХьхьичІмахъ	8
Ва луттираятусса ттулва пикри.....	30
Бургъил чани	32
Оърмулуд дарс	34
ХІукуматрал къачагътал	36
Душнил умудру	38
Эшкъилуд хъару	40
Аьламат	42
ЧІивима уссу	44
Ттул эшкъилуд гъайчалий	46
Мусил кІичІ	48
Аьйшатлул дард	50
ПатІиматлул ласнахъсса дарс.....	52
Дард	54
Гъинтнил къини	56

Ниттил дуаь.....	58
Хияллу.....	60
Ххирамунихъ.....	62
Оьрмуллу ххуллу	64
Янил чани	65
Цанна пашмансса?.....	67
Нану ттул хьунийн, ххирай!.....	69
Цара ина ттул бусса.....	71
Муса Манаров.....	73
Дак1нил дард	75
Вил ч1у – ттул дак1нил дарман.....	77
Дух1ан зах1матсса къюву	78
Ттул ххаришиву.....	80

ISBN 978-5-00244-844-9



Къурванов Къурван Хусайннул арс.

(назмурду)

***Эшкышул хъару
(«Крыия любви»)***

2022 шин

Сборник стихов на лакском языке

ЦачIун бувмагу, редакторгу Мирза Давыдов

Корректор – Аьбдуллаева А.Ф.

Верстка – Алибекова У.С.

Художник – Алибекова У.С.

Издательство «Перо»

109052, Москва, Нижегородская ул., д. 29-33, стр. 15, ком. 536

Тел.: (495) 973-72-28, 665-34-36

Подписано в печать 13.09.2024. Формат 60×90/16.

Бумага офсетная. Усл. печ. л. 5,25. Тираж 100 экз. Заказ 923.

